

UNITED NATIONS



NATIONS UNIES

INTERNATIONAL CRIMINAL TRIBUNAL  
FOR THE FORMER YUGOSLAVIA

CHURCHILLPLEIN 1, P.O. BOX 13888  
2501 EW THE HAGUE, THE NETHERLANDS  
TELEPHONE: +31 70 512-5000  
FAX: +31 70 512-8637

TRIBUNAL PÉNAL INTERNATIONAL POUR  
L'EX-YOUGOSLAVIE

CHURCHILLPLEIN 1, B.P. 13888  
2501 EW LA HAYE, PAYS-BAS  
TELEPHONE: +31 70 512-5000  
FAX: +31 70 512-8637

**Predmet br. IT-09-92-PT**  
***Tužilac protiv Ratka Mladića***

**JAVNO**

**ODLUKA**

**ZAMJENIK SEKRETARA SUDA,**

**IMAJUĆI U VIDU** Statut Međunarodnog suda, koji je Savjet bezbjednosti usvojio Rezolucijom 827 (1993.), a posebno član 21 Statuta;

**IMAJUĆI U VIDU** Pravilnik o postupku i dokazima, koji je Međunarodni sud usvojio 11. februara 1994. godine, s naknadnim izmjenama i dopunama (dalje u tekstu Pravilnik), a posebno pravila 44, 45 i 62(B) Pravilnika;

**IMAJUĆI U VIDU** Uputstvo za dodjelu branioca po službenoj dužnosti, koje je Međunarodni sud usvojio 28. jula 1994. godine, s naknadnim izmjenama i dopunama (dalje u tekstu: Uputstvo), a posebno članove 6, 7, 11(B), 14(A), 16(B) i 16(G) Uputstva;

**IMAJUĆI U VIDU** Profesionalni kodeks branilaca koji postupaju pred Međunarodnim sudom (IT/125 REV.3) (dalje u tekstu: Profesionalni kodeks), a posebno članove 9 i 14 Profesionalnog kodeksa;

**IMAJUĆI U VIDU** da je g. Ratko Mladić (dalje u tekstu: optuženi) prebačen u sjedište Međunarodnog suda 31. maja 2011. godine, da je njegovo prvo stapanje pred sud održano 3. juna 2011. godine, a njegovo ponovno prvo stapanje pred sud 4. jula 2011. godine;

**IMAJUĆI U VIDU** da je 1. juna 2011. godine, u skladu s pravilima 45 i 62(B) Pravilnika, sekretar imenovao g. Aleksandra Aleksića, advokata iz Srbije, za dežurnog branioca optuženog, u svrhu njegovog prvog stupanja pred Sud i, po potrebi, rješavanja drugih pitanja dok se ne imenuje stalni branilac;

**UZIMAJUĆI U OBZIR** da je 23. juna 2011. godine optuženi zatražio da mu se na osnovu člana 7 Uputstva dodijeli branilac kojeg će plaćati Međunarodni sud, zbog toga što nema dovoljno sredstava da sam plati branioca, i tražio da se za njegovog glavnog branioca imenuje g. Miloš Šaljić, advokat iz Beograda;

**UZIMAJUĆI U OBZIR** da je 11. jula 2011. godine Sekretarijat obavijestio optuženog da g. Šaljić ne ispunjava uslove da bude imenovan za njegovog glavnog branioca, i to uslov da pismeno i usmeno dobro vlada jednim od dva radna jezika Međunarodnog suda a imajući u vidu da je poznavanje jezika jedan od kriterijuma za dodjelu koji nalažu pravila 44 i 45 Pravilnika;

**UZIMAJUĆI U OBZIR** da je 14. jula 2011. godine sekretar odbio zahtjev optuženog da imenuje g. Šaljića za njegovog glavnog branioca;

**UZIMAJUĆI U OBZIR** da je 20. jula 2011. godine optuženi podnio pismenu izjavu kojom ovlašćuje g. Branka Lukića da ga na Međunarodnom sudu zastupa kao glavni branilac;

**UZIMAJUĆI U OBZIR** da je 21. jula 2011. godine optuženi formalno zatražio od Sekretarijata da g. Branka Lukića, advokata iz Beograda, imenuje za njegovog glavnog branioca;

**UZIMAJUĆI U OBZIR** da se g. Branko Lukić nalazi na spisku branilaca na osnovu pravila 45 Pravilnika koji ispunjavaju uslove za dodjelu osumnjičenima i optuženima slabog imovnog stanja i da je izrazio spremnost da zastupa optuženog;

**UZIMAJUĆI U OBZIR** da je g. Branko Lukić prethodno zastupao g. Miroslava Kvočku (IT-98-30), g. Dragana Jokića (IT-02-60) i g. Milomira Stakića (IT-97-24) u postupcima na ovom Međunarodnom sudu;

**UZIMAJUĆI U OBZIR** da je g. Branko Lukić trenutno imenovan za glavnog branioca u predmetu protiv g. Sretena Lukića koji se vodi na ovom Međunarodnom sudu i koji je trenutno u žalbenoj fazi (IT-05-87-A);

**UZIMAJUĆI U OBZIR** da je u dopisu od 20. jula 2011. godine sekretar izrazio zabrinutost zbog potencijalnog sukoba interesa s obzirom na trajnu obavezu lojalnosti g. Branka Lukića prema bivšim klijentima i da je od njega zatražio da se pred Sekretarijatom izjasni po tim pitanjima;

**UZIMAJUĆI U OBZIR** da je 20 jula 2011. godine Sekretarijat takođe pozvao g. Branka Lukića da iznese svoje mišljenje o mogućim problemima vezanim za raspored suđenja u predmetu protiv optuženog i predmeta protiv g. Sretena Lukića i da objasni kako bi savladao novonastalu količinu posla;

**UZIMAJUĆI U OBZIR** da je 22. jula 2011. godine g. B. Lukić dostavio pismeni podnesak u kojem je precizirao kako će rasporediti svoje vrijeme u nastojanju da obavi posao u predmetu protiv optuženog i predmetu protiv g. Sretena Lukića, kao i kako će riješiti eventualni sukob interesa nastao uslijed toga što je ranije zastupao druge optužene na ovom Međunarodnom sudu;

**UZIMAJUĆI U OBZIR** da su se i optuženi i g. Sreten Lukić pismenim putem složili s imenovanjem g. Branka Lukića u oba predmeta;

**UZIMAJUĆI U OBZIR** da se sekretar uvjerio, u skladu sa članom 16(G) Uputstva, da imenovanje g. Branka Lukića u oba predmeta ne dovodi do sukoba u rasporedu ni do

potencijalnog ili stvarnog sukoba interesa i da to imenovanje neće na drugi način nanijeti štetu odbrani ijednog optuženog ili integritetu postupka;

**UZIMAJUĆI U OBZIR** da Sekretarijat još nije utvrdio da li je i u kojoj mjeri optuženi sposoban da plaća branioca;

**UZIMAJUĆI U OBZIR** da, u skladu sa članom 11(B) Uputstva, sekretar može privremeno dodijeliti branioca optuženom na period od 120 dana, kako bi obezbjedio poštovanje prava optuženog na branioca dok Sekretarijat razmatra njegovu sposobnost da plati branioca;

**UZIMAJUĆI U OBZIR** da je u ovom predmetu neophodno dodijeliti optuženom branioca u skladu sa članom 11(B) Uputstva, kako bi se obezbjedilo poštovanje prava optuženog na branioca dok Sekretarijat razmatra njegovu sposobnost da plati branioca;

**OVIM ODLUČUJE** da imenuje g. Branka Lukića za branioca optuženog na period od 120 dana, u skladu sa članom 11(B) Uputstva, što stupa na snagu na dan donošenja ove odluke;

**ODLUČUJE** da imenovanje g. Aleksića kao dežurnog branioca prestaje na dan donošenja ove odluke;

**UPUĆUJE** g. Aleksića da, u skladu sa obavezom iz člana 9(D) Profesionalnog kodeksa, preda g. Branku Lukiću sav materijal vezan za predmet koji je primio za vrijeme svog rada u svojstvu dežurnog branioca.

/potpis i pečat na originalu/

Ken Roberts,  
zamjenik sekretara

Dana 22. jula 2011. godine  
U Haagu,  
Nizozemska